

22. september 2019

UKA2019/27

**Uunga siunnersuut: Inissianik attartortsitsisarneq pillugu Inatsisartut peqqussutaata allanngortinneqarnissaat pillugu Inatsisartut inatsisaat nr. xx.xx.xxx2019-imeersoq
(Pisortat inissiaataanni uumasuuteqarnissamut tunngatillugu maleruagassat allanngortinneqarat aamma attartortup toqukkut qimاغunnerani il.il. attartukkap tiguneqartarnera pillugu)
(Ineqarnermut attaveqatigiinnermullu Naalakkersuisoq)**

Inatsisartut ukiakkut ataatsimiinneranni 2018-mi aalajangiiffisassatut siunnersuut pineqartumut tunngasoq Inatsisartuni oqaluuserineqarpoq, Siumumiillu ima ittumik oqaaseqarfingissuarput.

Nunarsuatsinni sumiikkaluaraanniluunniit peqqissumik inuuneqassangaanni ineqarnissaq pingaarutilerujussuuvoq, sulilu pingarneruvoq issittumi ukiortartumilu najungaqaraanni.

Taamaattumik ineqarnermut tunngasunik naleqqussaajuarnissaq saneqqunneqarsinnaanngilaq, siulliullugulu pineqartoq tassaavoq Inatsisartut peqqussutaat nr. 2, 12. Maj 2005-imeersumut ilanngussaq 4-mi maleruaqqusat allanngortinneqassasut.

Taamaallunilu siunissami aallaaviatigut inissiani attartortittakkani pisortanit pigineqartuni qimmiuteqarnissaq qitsuuteqarnissarlu ajornarunnaartussaalluni, taamaakkaluartoq aalajangiiffisassatut siunnersuutip suliarineqarnerani isumakuluutigineqartut tassaapput; ineqarnermut akilersuutip qaffasinnerulersinnaanera kiisalu najungaqartut qitsunnik qimminillu sapingaqartut ilersorneqarsinnaanerat.

Siumumiik nuannaarutingaarpuit Naalakkersuisut ajornartorsiutaalerumaartussanut eqqummaarillutik siumungaaq aqqtissiuussinerat, taamaalluni ineqartut aamma illorsorneqarnissaat taamatullu uumasuuteqartussat akisussaassuseqarlutik iluarsanneqarumaartussanut sillimmasesrinnaanerisa aqqtissiunneqarnissaat sillimaffigimmassuk.

Allannguutissatut siunnersuummi immikkoortup aappa tassaavoq attattortup toqukkut qimاغunneratigut ilaquaasut qaninnerit inimik tigusinissaannut periarfissat qasukkaamisillugit ullutsinnut naleqqussarneqarnissaat, pineqartorlu tassaalluni Inatsisartut peqqussutaat nr. 2, 12. Maj 2005-imeersumi § 60-sip allanngortinneqarnissaa.

Tamassumallu kingunerissallugu inigisap ilaquaasunit najuinnarneqarnissaanut periarfissagissaarnerulernissaq, tamannalu iluarsineqarpat ajornartorsiutaalersartorpassuit ilaquitariinnut artornartorsioreersunut oqinnerusumik qaangeeriarnissamut aporfiersuutaasartut peerneqarnissaat.



Naggataatigullu allannguutissatut siunnersuutit Siumumiik taperserlutigit periarfissap ilanngullugu ammaffigineqarnissaa pisariaqarsoraarput, tassa immikkut ittumik ineqarnikkut pisoqartillugu ajornaartoortunut oqilsaanissamik ammaffiginnittoqarsinnaanerata aamma ammaffigineqarnissaa.

Taamatut naatsumik oqaaseqarluta.

Nikkulaat Jeremiassen, Siumut.